



集部輯佚文獻彙編

翟金明

主編



國家圖書館出版社

4

集部輯佚文獻彙編

4

中華書局

中華書局

(漢)魏相撰

(清)嚴可均輯

魏相

清光緒二十年(1894)黃岡王氏刻《全漢文》本

第四冊目錄

別集(四)

漢(四)

魏相	(漢)魏相撰	(清)嚴可均輯	一
張敞	(漢)張敞撰	(清)嚴可均輯	九
韋玄成	(漢)韋玄成撰	(明)馮惟訥輯	二一
韋玄成	(漢)韋玄成撰	(清)嚴可均輯	二七
韋玄成	(漢)韋玄成撰	丁福保輯	三三
班婕妤	(漢)班婕妤撰	(明)馮惟訥輯	三八
班婕妤	(漢)班婕妤撰	(清)嚴可均輯	四二
班婕妤	(漢)班婕妤撰	丁福保輯	四八
谷永	(漢)谷永撰	(清)嚴可均輯	四九
劉子政集	(漢)劉向撰	(明)葉紹泰輯	八三

劉向	(漢)劉向撰	(清)嚴可均輯	九五	
陳湯	(漢)陳湯撰	(清)嚴可均輯	一五四	
李尋	(漢)李尋撰	(清)嚴可均輯	一五七	
息夫躬	(漢)息夫躬撰	(明)馮惟訥輯	一七〇	
息夫躬	(漢)息夫躬撰	(清)嚴可均輯	一七三	
杜鄴	(漢)杜鄴撰	(清)嚴可均輯	一七八	
唐林	(漢)唐林撰	(清)嚴可均輯	一八六	
師丹	(漢)師丹撰	(清)嚴可均輯	一九〇	
揚子雲集六卷	卷一——三	(漢)揚雄撰	(明)鄭樸輯	
目錄				一九五
卷一				二〇三
卷二				二九七
卷三				四七一

魏相

相字弱翁濟陰定陶人居平陵武帝末爲郡卒史昭帝時舉賢良對策高第除茂陵令遷河南太守坐事下獄遇赦復守茂陵令遷揚州刺史徵爲諫大夫復爲河南太守宣帝卽位拜大司農遷御史大夫地節中爲丞相封高平侯神爵三年卒諡曰憲侯有集二卷

賢良對策

賞罰所已勸善禁惡政之本也日者燕王爲無道韓義出身彊諫
爲王所殺義無比干之親而蹈比干之節宜顯賞其子已示天下
明爲人臣之義

漢書韓延壽傳父義爲燕郎中刺王謀逆諫而死昭帝初相已文學對策請顯賞其子因擢延壽爲

大夫

上封事薦張安世

聖王褒有德已懷萬方顯有功已勸百寮是已朝廷尊榮天下鄉
風國家承祖宗之業制諸侯之重新失大將軍宜宣章盛德已示
天下顯明功臣已填藩國毋空大位已塞爭權所已安社稷絕未
萌也車騎將軍安世事孝武皇帝三十餘年忠信謹厚勤勞政事
夙夜不怠與大將軍定策天下受其福國家重臣也宜尊其位已
爲大將軍毋令領光祿勳事使專精神憂念天下思惟得失安世
子延壽重厚可已爲光祿勳領宿衛臣

漢書張湯附傳大將軍霍光薨後數月御史大夫魏

相上封事

大四百三十三
小九十四

上封事奪霍氏權

春秋譏世卿惡宋三世爲大夫及魯季孫之專權皆危亂國家自後元呂來祿去王室政繇冢宰今光死子復爲大將軍兄子秉樞機昆弟諸壻據權執在兵官光夫人顯及諸女皆通籍長信宮或夜詔門出入驕奢放縱恐寢不制宜有已損奪其權破散陰謀以固萬世之基全功臣之世

漢書魏相傳

上書諫擊匈奴右地

臣聞之救亂誅暴謂之義兵義者王敵加于已不得已而起者謂之應兵兵應者勝爭恨小故不忍憤怒者謂之忿兵兵忿者敗利人土地貨寶者謂之貪兵兵貪者破恃國家之大矜民人之眾欲見威于敵者謂之驕兵兵驕者滅此五者非但人事迺天道也閒者匈奴嘗有善意所得漢民輒奉歸之未有犯於邊境雖爭屯田車師不足致意中今聞諸將軍欲興兵入其地臣愚不知此兵

何名者也今邊郡困乏父子共犬羊之裘食草萊之實常恐不能
自存難曰勤兵軍旅之後必有凶年言民曰其愁苦之氣傷陰陽
之和也出兵雖勝猶有後憂恐災害之變因此曰生今郡國守相
多不實選風俗尤薄水旱不時案今年計子弟殺父兄妻殺夫者
凡二百二十二人臣愚曰爲此非小變也今左右不憂此迺欲發
兵報織介之忿于遠夷殆孔子所謂吾恐季氏之憂不在顓臾而
在蕭牆之內也願陛下與平昌侯樂昌侯平恩侯及有識者詳議
迺可漢書魏相傳元康中匈奴遣兵擊漢屯田車師者不能下上
與後將軍趙充國等議欲因匈奴衰弱出兵擊其右地使不
敢復擾西域

相上書諫

上書自陳

妻實不殺婢廣漢數犯罪法不伏辜曰詐巧迫脅臣相幸臣相寬
不奏願下明使者治廣漢所驗臣相家事漢書趙
廣漢傳

條奏便宜

大五百一十一
小六十八

臣聞明主在上賢輔在下則君安虞而民和睦臣相幸得備位不能奉明法廣教化理四方曰宣聖德民多背本趨末或有饑寒之色爲陛下之憂臣相罪當萬死臣相智能淺薄不明國家大體時用之宜惟民終始未得所繇竊伏觀先帝聖德仁恩之厚勤勞天下垂意黎庶憂水旱之災爲民貧窮發倉廩振乏餒遣諫大夫博士巡行天下察風俗舉賢良平冤獄冠蓋交道省諸用寬租賦弛山澤波池禁秣馬酤酒貯積所曰周急繼困慰安元元便利百姓之道甚備臣相不能悉陳昧死奏故事詔書凡二十三事臣謹案王法必本于農而務積聚量入制用曰備凶災亡六年之畜尙謂之急元鼎二年平原渤海泰山東郡溥被災害民餓死于道路二千石不豫慮其難使至于此賴明詔振救乃得蒙更生今歲不登穀暴騰踴臨秋收斂猶有乏者至春恐甚亡曰相恤西羌未平師旅在外兵革相乘臣竊寒心宜蚤圖其備唯陛下畱神元元帥繇

先帝盛德已撫海內

漢書魏相傳數條漢興已來國家便宜行事及賢臣賈誼鼂錯董仲舒等所言奏請施行

之

表奏采易陰陽明堂月令

臣相幸得備員奉職不修不能宣廣教化陰陽未和災害未息咎在臣等臣聞易曰天地曰順動故日月不過四時不忒聖王曰順動故刑罰清而民服天地變化必繇陰陽陰陽之分曰日爲紀曰冬夏至則八風之序立萬物之性成各有常職不得相干東方之神太昊乘震執規司春南方之神炎帝乘離執衡司夏西方之神少昊乘兌執矩司秋北方之神顓頊乘坎執權司冬中央之神黃帝乘坤艮執繩司下土茲五帝所司各有時也東方之卦不可曰治西方南方之卦不可曰治北方春興兌治則饑秋興震治則華冬興離治則泄夏興坎治則雹明王謹于尊天慎于養人故立羲和之官曰乘四時節授民事君動靜曰道奉順陰陽則日月光明

大六百零一
小三十七

風雨時節寒暑調和三者得敘則災害不生五穀熟絲麻遂中木
茂鳥獸蕃民不夭疾衣食有餘若是則君尊民說上下亡怨政教
不違禮讓可興夫風雨不時則傷農桑農桑傷則民饑寒饑寒在
身則亡廉恥寇賊姦宄所繇生也臣愚曰爲陰陽者王事之本羣
生之命自古賢聖未有不繇者也天子之義必純取法天地而觀
于先聖高皇帝所述書天子所服第八曰大謁者臣章受詔長樂
宮曰令羣臣議天子所服曰安治天下相國臣何御史大夫臣昌
謹與將軍臣陵太子太傅臣通等議春夏秋冬天子所服當法天
地之數中得人和故自天子王侯有土之君下及兆民能法天地
順四時曰治國家身亡禍殃年壽永究是奉宗廟安天下之大禮
也臣請法之中謁者趙堯舉春李舜舉夏兒湯舉秋貢禹舉冬四
人各職一時大謁者襄章奏制曰可孝文皇帝時曰二月施恩惠
于天下賜孝弟力田及罷軍卒祠死事者頗非時節御史大夫鼂

錯時爲太子家令奏言其狀臣相伏念陛下恩澤甚厚然而災氣未息竊恐詔令有未合當時者也願陛下選明經通知陰陽者四人各主一時時至明言所職曰和陰陽天下幸甚

漢書魏相傳又數表采易陰陽

及明堂月令奏之

蔡義

義河內溫人武帝時曰明經給事大將軍幕府遷補覆盎城門候擢爲光祿大夫給事中元鳳中拜少府遷御史大夫元平初爲丞相年始三年薨諡曰節侯

上疏求召見

臣山東草萊之人行能無所比容貌不及眾然而不棄人倫者竊曰聞道于先師自託于經術也願賜清閒之燕得盡精思于前

漢書

蔡義傳

大五百二十一
小二十八

全漢文卷三十

烏程嚴可均校輯

張敞

敞字子高河東平陽人居茂陵昭帝初已鄉有秩補郡卒史察廉爲甘泉倉長元鳳中遷太僕丞宣帝卽位擢豫州刺史徵爲太中大夫平尙書事出爲函谷關都尉徙山陽太守徵拜膠東相元康中守京兆尹神爵初卽眞甘露末免爲庶人召拜冀州刺史黃龍初爲太原太守元帝卽位徵爲左馮翊未拜卒有集一卷

告祭舜教

五日京兆竟何如冬月已盡延命乎

漢書張敞傳

上書諫昌邑王

孝昭皇帝蚤崩無嗣大臣憂懼選賢聖承宗廟東迎之日唯恐屬

車之行遲今天子已盛年初卽位天下莫不拭目傾耳觀化聽風
國輔大臣未褒而昌邑小輦先遷此過之大者也

漢書張敞傳

上書自請治膠東勃海盜賊

臣聞忠孝之道退家則盡心于親進宦則竭力于君夫小國中君
猶有奮不顧身之臣況于明天子乎今陛下遊意于太平勞精于
政事疊疊不舍晝夜羣臣有司宜各竭力致身山陽郡戶九萬三
千口五十萬已上訖計盜賊未得者七十七人他課諸事亦略如
此臣敝愚駑既無已佐思慮久處閑郡身逸樂而忘國事非忠孝
之節也伏聞膠東勃海左右郡歲數不登盜賊並起至攻官寺篡
囚徒搜市朝劫列侯吏失綱紀姦軌不禁臣敝不敢愛身避死唯
明詔之所處願盡力摧挫其暴虐存撫其孤弱事卽有業所至郡
條奏其所由廢及所已興之狀

漢書張敞傳

奏書諫膠東王太后數出游獵

大四百七十二
小一十七

臣聞秦王好淫聲葉陽后爲不聽鄭衛之樂楚嚴好田獵樊姬爲之不食鳥獸之肉口非惡旨甘耳非憎絲竹也所已抑心意絕奢欲者將已率二君而全宗祀也禮君母出門則乘輜軒下堂則從傅母進退則鳴玉佩內飾則結綢繆此言尊貴所已自斂制不從恣之意也今太后資質淑美慈愛寬仁諸侯莫不聞而少已田獵縱欲爲名于已上聞亦未宜也唯觀覽于往古全行乎來今令后姬得有所法則下有所稱誦臣做幸甚

漢書張敞傳

詣公車上書

臣前幸得備位列卿待罪京兆坐殺賊捕掾絮舜舜本臣做素所厚吏數蒙恩貸已臣有章劾當免受記攷事便歸臥家謂臣五日京兆背恩忘義傷化薄俗臣竊已舜無狀枉法已誅之臣做賊殺無辜鞠獄故不直雖伏明法死無所恨

漢書張敞傳

上書請令人穀贖罪

國兵在外軍已夏發隴西已北安定已西吏民並給轉輸田事頗廢素無餘積雖羌虜已破來春民食必乏窮辟之處買亡所得縣官穀度不足已振之願令諸有辜非盜受財殺人及犯法不得赦者皆得已差入穀比八郡贖罪務益致穀已豫備百姓之患

漢書蕭望

之傳又見藝文類聚五十四

爲霍氏上封事

臣聞公子季友有功于魯大夫趙衰有功于晉大夫田完有功于齊皆疇其官邑延及子孫終後田氏篡齊趙氏分晉季氏顓魯故仲尼作春秋迹盛衰譏世卿最甚邇者大將軍決大計安宗廟定天下功亦不細矣夫周公七年耳而大將軍二十歲海內之命斷于掌握方其隆時感動天地侵迫陰陽月朏日蝕晝冥宵光地震裂火生地中天文失度祚祥變怪不可勝記皆陰類盛長臣下顓制之所生也朝臣宜有明言曰陛下褒寵故大將軍已報功德

大五百五十五
小二十七